



kat.komp.

17705

I

Mag. St. Dr.

P

*Leronski Wladislaw: Tessera debitorum  
gratitudinis - Simoni Kotulski,  
Praeposito Gnesnensi.*

*Crac. in off. typ. Martini Philiportalski.*

*1638.*

PANEG. et VITAE

Polon. 4<sup>a</sup>N<sup>o</sup>. 382



I

v

In



# TESSERA

Debitæ Gratitude,

*Perillustri & Admodum Rendiss: Domino*

D. SIMONIKOLVDZKI,

PRÆPOSITO GNESNENSI

Custodi Płocensi, Cracouiensi, Vladi-  
slaviensi, Canonico, S. R. M.

Secretario.

*Domino & Mæcenati Suo Maximo.*



A

VLADISLAW ZEROMSKI

Camerarij Siradiensis filio: honoris  
ergo, Oblata.

---

CRACOVIA,

In Officina Typograph: Martini Philipowski,  
Anno Domini. M. DCXXXVIII.

ARMA DOMVS.



*Cotucius pietatis amans, meritis & abundans*


*Aras atq; focos protegit ingenio*

*Hoc Gens, hoc & Roſtra viro, Patria, atq; Senatus*

*Gaudens, O Vivat ſaxus & incolumis.*

*Ioannes Zaleyski  
Stud: Poſceos.*





## Tessera Gratitudeinis.



Agna semper ab ipsius mundi nascentis incunabulis, in præmium, vberimumque fructum debetur laus virtuti: quæ etsi vniuersum studium Famæ in suo proprio candore, & probitate collocet, munitaque semper, ab omnibus non solum vitiis, sed alijs rebus aduersis sit, per omnesq; temporum Olimpiades, illæsa ac integra duret: nihilominus vt anima, dum corpus hoc inhabitat, cibi materialis subsidio indiget, non quidem propter se ipsam, quæ cibo æthereo vescitur, sed vt sibi adiunctum corpus, rectius sustentetur: sic virtus quamuis debito fulgore,

A

re, ac pulchritudinis suæ ornamento, satis superque abundet: vocis tamen non modo testimonio: verum etiam litterarum præconio apud posteritatem celebrari vult. Etenim cum nullus stimulus virtuti maior sit, quam ille laudis & gloriæ, qui gestis rebus aliorum prædicandis vel maximè admonetur: sanè ut mea fert opinio, aut nullo, aut hoc ipso solo, ad benè de alijs merendum homines excitantur. Quamobrem Perillustri & Admodum R<sup>e</sup>de Domine, cum virtus liberalitatis non vultu adscititio sed proprio & venusto, non ad tempus sumpto sed iure hæreditario obfirmata illoque prouidentia cœlestis thesauro Domui tuæ a fonte & origine maximæ, a radice inclytæ collata, faciat, ut dum tanquam fons limpidissimus aquam beneficentia in me Parentemque meum fundis, nullum ei aut excusationis, aut artis limum vis inspergi. Quidquid benignè aduersus nos facis, id

totum



totum vis fluere ex illo tui cordis fonte, qui  
irrigat, non nostræ solum fortunæ siccitatem,  
sed illum etiam Diæcesis Gnesnen: augustæ  
flore multis vberimisq; beneuolentiæ, bene-  
ficentiæ, aliarumq; tuarum virtutum riuus,  
dignis perenni memoria, dignis ara immorta-  
litate. Ne ergo beneficia a fonte tuo in nos  
deriuata in pectoribus nostris limo ingratitu-  
dinis obruantur Tesseram grati animi ab ora-  
tore infante, a cliente verò gratissimo accipe,  
quæ pedestri sermone incedit. excusationem  
habet quidē illam, quia aut florum amænitate  
delectare, aut artis gemma inter picta prodes-  
se debeat, robustioris ætatis conamini relin-  
quit.

Atq; vt inde pandantur vela, Natales ex  
Illustri maiorum prosapiâ tibi contigisse, di-  
uinæ est opis: si quantum ex re bellicâ dignita-  
tis, quantum fortunarum sint consecuti, non  
vna orationis parte determinandum, sed inte-

A ñ

gris

gris voluminibus, plenisque laudū velis explican-  
dum esset. Sunt qui pro salute, inuictissi-  
morum Regum: sunt qui pro tutelā finium  
patriæ, ad internationem hostium fidissima ar-  
ma sumpserunt, merueruntque inseri summis  
Equitum ordinibus, & multis ditionum lati-  
fundijs velut præmio laborum cohonestari.  
Atque hic quidem gloriæ tuæ campus licet  
latissimus sit, & ad nominis posthumam memo-  
riam retinendam satis superque copiosus & suf-  
ficiens, maiores ab auitā paternaque stirpe mul-  
ta per sæcula, rei benè gerendæ habere, vir-  
tutis auitæ hæredem famam retinere: tamen  
nihil maius, nihil magnificentius, nihil de-  
nique gloriosius arbitratus es, nihil ad viuen-  
dum illustrius, quam proprio virtutum splen-  
dore, famam & nominis immortalitatem quæ-  
rere. Statuas & simulachra Tibi eiusmodi  
relinquere decreuisti, quæ animi potius ima-  
ginem quam corporis lineamenta ostendant.

Nam



Nam si corporum simulachra, & effigies manu artificum factæ, Nobilium animos excitare solent, ad eorum imitationem: quorum illæ imagines sunt: quanto magis, id assequuntur, virtutum, & rerum gestarum monumenta, quæ mentem exprimunt, non autem corporis lineamenta formæque speciem. Has animi virtutisq; imagines, à primis ætatis tuæ cunabulis, ipsisq; (vt dicitur) crepundijs Perillustris & Admod: R<sup>ex</sup> de Domine præ oculis habuisti: efformasti tenellum intellectum ad quæuis sublimiora, animum pietate, quam lapidem angularem cæteris virtutibus superstruendis esse, nemo negauerit, inbuiisti. Voluntatem legitimis cancellis moderationum ad virtutum amplexum, optimè perfecisti, præceptoribus ex virtutum harmonia ad vnguem compositis vsus es: idq; non in umbrâ & diuerticulo, ab hominum societate remoto: sed in palæstris Sarmatiæ nobilissimis

mis, concursui iuuentutis nobilitati destinatis, in quibus quantum libris generosissimæ indolis tuæ vires, vt æquales omnes antecelueris, dicere sufficienter poterunt, qui fuerunt eius rei & spectatores, & admiratores. Ipse sanè euentus satis luculenter hoc depingit.

Quæ pueritiæ transactæ præconia, eadem adolescentiæ. Ita enim à primis ineuntis ætatis incunabulis vitam instituisti, vt concentum quendam actionum honestarum, quantum ætate suffragante liceret, induxisse videreris. Et quemadmodum Boleslaus Criuouus, tanto desiderio patris tenebatur; vt diu sane lachrymis & fletibus non temperaret, gestabatq; de collo suspensam in pectus auream laminam, in qua nomen & imago patris insculpta erat, qua subinde memoriam sibi eius refricaret, & quidquid vel faceret, vel loqueretur, sic ageret, quasi inspiciente omnia, & exaudiente patre. Ita sic Perillustis & Reue-

ren-



rende Domine sculptam non iam in lamina,  
sed in animo imaginem Sanctissimæ memo-  
riæ Parentis tui carissimi gestans, simulq̃ cogi-  
tans, te natum in Poloniâ, omnium celeberrima  
& copiosissima, plurimisq̃ & eruditis-  
simis & fortissimis Viris affluenti, ex Anti-  
quissima nobilissimaq̃ familia Cofuciorum,  
omnium dignitatum gradibus hic in patrio so-  
lo satis superq̃ perfuncta; nihil earum rerum  
prætermisisti, quibus non modo maioribus tuis  
( qui & honoribus, & rerum gestarum gloria  
semper maxime floruerunt ) similis esses, sed  
etiam eorum memoriæ, laudibusq̃ maximam  
lucem adferres. Paucos reperias qui consilio  
se suaq̃ disponunt: Pleriq̃ dum vitæ instru-  
menta conquirunt, vitam transeunt, & eo-  
rum more, quæ fluminibus innatant; ferun-  
tur non eunt. vt enim leuior vnda aliqua  
detinuit, ac melius vexit: quædam rapidiora  
cursu abrepta, quædam ad ripam impetu lan-  
gue-

guescente, deposita videas, alia deniq̃ torrentis violentia directa in pelagus: sic & adolescentiæ mores, aut molliores, aut vehementiores impari conamine adhibita cura, & illecebra distinguit. Nihil in adolescentia tua speciosa libertatis nomina, nihil alea, nihil cerea & flexilis in vitium licentia sibi postularunt. Prudentiam pro Palladea lancea ad subigendas affectuum pugnas prima tibi charitum tribuit. Hæc tibi galea securitatis, hæc amplitudinis tyarra, generositatis diadema, fortunarum custos, faustiore haud dubie progressu, quam aut Massinissæ præsidia, aut Danaes sepimenta, præstare potuerunt. Prudentiæ est quòd superbia indiscreta fælicium pedissequa procul abs te ire iussa: quod nihil fragili ostentationi, nihil ventosæ ambitioni, nihil tumidæ arrogantia relictu. Eoq̃ hoc decus est admirabilius, quorarius: quippe alioru eà scabie fortunarum laborat ingenium, vt quò potentia floreat ampliore,



re, eò ardentiorē febri, & pruriginē corripia-  
tur insolescendi. Vix enim cuiquam contigit,  
& abundare fortuna, & indigere superbia. Hic  
vt semel blandissimo veneno, mentem relegata  
ratione, fascinauit, nihil superest, quàm vt se so-  
lum, supra cæteros mortales euectum, Dñs q̃  
parem, & vt fortunæ indulgentiæ eminentem,  
sic animi bonis ferocientem ostendat, quo-  
rum tamen sæpe, nec vestigium, vel ipse Argus  
oculeusprehenderit. Contra hunc lethalem  
morbum e diametro phalangem virtutum for-  
tissimam posuisti, ratione q̃ ipsa tanquam au-  
xiliaris copijs cum impotentibus animi per-  
duellionibus decertasti. Et vt perfectissimam  
virtutem possideres, Doctrinæ thesauris pectus  
instruxisti; & vt scires omnia, faceres optima,  
unicam vitæ normam habuisti. Hinc quod  
rarissimum est videmus cælum sine nube, ignem  
sine fumo, lucem sine vmbra. Sequuntur &  
hanc felicitatem animi mores, sermo cultus, o-

ris corporisq; conformatio Heroica, cum digni-  
tate venusta, cum maiestate blanda. vt paucis  
dicam; in vultu tuo nobilitas relucet, & quid-  
quid maiores fuere; relucet virtus, & quid-  
quid tibi vni debes; relucet doctrina, & quid-  
quid industria magnitudini adiecit. Omitto  
Generositatem animi, & simul modestiam,  
prudentiam & candorem, solertiam & fidem  
fortitudinem & humanitatem: quas omnes,  
aliasq; partim Nobilitatis, partim virtutis,  
partim doctrinae comites habes neq; iactas.  
Vt pedissequæ aliorum syderum quædam stel-  
læ sunt, quas curiosior, & intro adiecta aci-  
es detegit: ita non omnia Heroicæ mentis  
ornamenta in omnium statim oculos incur-  
runt, sed quæ sita & obseruata. Ad summam  
igitur vt iutelligeres quis ipse esses, negotium  
tibi cum Musis, & sapientiâ fuit; & vt esses,  
quantum dare maiores potuere sprete ignauia  
dulcedine, & voluptatis illecebra, Hercu-  
lis



lis podicij femitam, á primis statim annis ingressus es & calcasti. Quid amplius? in Collegium Cathedralis Ecclesiæ Gnesnen: virtutibus conspicuum adscitus non sub modio, sed in candelabrum, ab ipsa edoctus veritate, lucernam accensam posuisti, vt nemo sit, qui non lucem doctrinæ suæ videat, qui non religionis lumine, Te totum lucidum, totum illuminatum, nulla prorsus ex parte tenebrosum conspiciat. Velut enim ignis accensus, & inflammatus, hanc vim habet á natura sibi insitam, vt illustret eas terræ partes, lucis suæ claritate, quæ tenebris, & atra quadam caligine circumfusæ erant: Sic equidem Tu Perillustris Domine, Iesu Christi igne clarissime collucenti flagrans, lucem adtulisti eximiam & illustrem Areopago Sarmatico cuius Iudicij ex Venerabili Capitulo Gnesnen: interfuisti. Desideria sua quilibet explicabat apud te, ceu ad aram iustitiæ incorruptæ: non

B ij

impor-

importuni ianitores obicem accessuris præclu-  
debant: nec magis tua virtus afflictis solati-  
um oppressisq; negare potuit, quam fons ve-  
nutis scaturiginosis fœcundus aquam hausturis.  
Omnia pro naturâ tuâ benignè, pro ingenio  
prudenter, in æquissimo Tribunalitiorum Areo-  
pago agis: causam literarum ipso iudicio; Mi-  
meræ sacra, in Saturniade. Curæ tibi in publi-  
cis curis, quidquid in otio meditaris, in lucē pro-  
fers. Et cum Episcopatū Cracouien: absente  
Eminentissimo Cardinali cuius nunc anima in  
sedibus æthereis quiescit, tractasti, Sapiētix ad-  
hæstisti, cum subditos iudicasti, & liberalitatem  
Principis velut sanguinem vitamq; in omnia  
Reipub. deriuasti membra, Scholarum labo-  
res nō siuisti exarescere, Ingenia æstimasti, qui tu-  
um coluisti; Artes promouisti, quas olim didicisti;  
virtutes foues, quas vitâ moribusq; expræsisti.  
Quantum Nobilitati ad ætatem artibus effor-  
mandam & imbuendam studeas, testis sum e-  
go cui



go cui Tu Perillustris & Admodum R<sup>nde</sup> Do-  
mine Auctor dux fuisti, ad honestissim<sup>arum</sup> ar-  
tium telam in Academia Cracouien<sup>si</sup> ordiun-  
dam. O virtutem cælo profectam, & ipsa va-  
rietate commendabilem! O fortunatos nimium  
Collegas Capitulorum! qui Te nunc velut præ-  
sens, & salutare numen venerantur, ac suspici-  
ūt: Eius enim viri cupidine vehementiore sunt  
incensi, quo frequentiore actu conuincuntur,  
non saturari animum tuum potuisse acq<sup>n</sup>isito  
prudentiæ thesauro, nisi eius in commune bonū  
fructu collato. Binas iam coronas, consecratione  
Charitum tibi nexus explicui, prudentiæ vi-  
delicet & scientiæ: Tertia quæ morum est suc-  
cedit. Magnum in his pondus. Ac vere  
marcida, addo & noxia est omnis prudentia  
scientiæq<sup>ue</sup>, quæ exulat ab elegantia morum. Il-  
lius elegantia est, quod veneres, & lepores  
meliorum gentium in sermone & gestu solerter  
obseruasti, quod illas affectatas, & ridiculas morū



exoticorum ostentationes à consortio Tuo, se-  
gregatas esse voluisti, ciuilitatē vti par est viri-  
lem, non obnoxiam es amplexus; Morum &  
hæc sequela est, quòd assiduis exercitationibus,  
Reipub: vigorem laudabilis naturæ publicasti.  
Dulce est meminisse, quantam in causis diiudi-  
candis molestiam tuleris, sudoremq; miscueris,  
quam continuatis & in se velut orbe redeunti-  
bus negotijs fueris delectatus quā de re filere  
mālo, quam dicere, plura enim cumulare vo-  
lentem pudor impedit. Portum nunc & nunc  
littus occupo; finioq; acclamatione breui qui-  
dem sed ex animo profecta,

Viuat Io, vigeatq; diu Perillustris & Rēde  
Domine Virtus tua, sit honoribus locuples, sit  
successibus gloriosa, sit beatitudine im-  
mortalis, ingrediaturq; per sacrari-  
um solennis honoris in fæ-  
licitatis illud æuiternum

D I X I,





o, fe-  
viri-  
n &  
bus,  
asti.  
udi-  
eris,  
anti-  
lere  
vo-  
unc  
qui-

nde  
s, sit  
n-

Biblioteka Jagiellońska



stdr0008202



